

**** Dimidium enim Comitatum Nassouicum saltim possidebat, præcipue dynastias Idstein, Wisbaden & Weilburg vid. Textor *Nass. Chronic. c. V. §. 42. & c. VI. §. 2.* Præterea Castellanus erat in castro Palatino Cuba, prout diploma docet apud Schilterum *Comment. ad ius Feud. Alemann. c. XXVI. p. 440.*

§. II.

Post Rudolphi mortem, vacauit Imperium ultra nouem menses, eo quod inter Electores de noui Regis electione haut conueniret, multis Alberto fauentibus. * Tandem Kl. Maii 1292. Francofurti electus est Adolphus Nassouius in Regem Romanorum, procurante potissimum Archiepiscopo Moguntino, Gerhardo, qui ipsius erat cognatus. ** Albertus vero Austriacus seductus a Suenis, per litteras & nuncios solennes vocatus est & rogatus ascendere Rhenum, spondentibus ei coronam regni, ac eligere eum in Regem Romanorum. Qui cum solenniter ascendisset, frustratus spe sua, receptis a Rege Romanorum feudis suis, in Austriam fuit reuersus. *** Et licet postea Rex Adolphus filiam Alberti filio suo peteret vxorem, renuit tamen Albertus. **** Ipse vero Adolphus Francofurtensibus impensas reddere haut valens, ***** nihilominus vna cum vxore sua Imagina, a Sigefrido Coloniensi Archiepiscopo in die Iohannis 1292. Aquisgrani fuit coronatus. ***** Dum autem ex consilio potissimum Gerhardi Moguntini ageret, dictus ideo *der Pfaffen König.* †

* M. Chron. Belg. p. 261. Rudolpho defuncto, vacauit Imperium anno vno, propter Electorum discordiam, quia quatuor Electores elogerunt Adolphum, Comitem de Nassau; sed Sigfridus Coloniensis, & Gerhardus Moguntinensis procurauerunt, vt haberet aduersarium: qui elegerunt Albertum, Ducem Austriae, filium dicti Rudolphi, Regis Romanorum. Licet Moguntinus semper fauerit Adolpho. H. Stero vero ad a. 1291. XVIII. Kalend. August. mortuus est Rudolphus Rex - - - post quem intra tempus sex mensium electus est Adolphus Comes de Nassow in Romanorum Regem, miles multum strenuus. Verum a medio mense Iulii, defunctus Rudolphus, quo vsque ad initium Maii ultra nouem sunt menses.

** Ann. Colmar. ad a. 1292. prima Maii, Electores reliqui electionem in Moguntinum, tum presentem, transferunt. Maguntinus Comitem Adolphum de Nassow, cognatum suum eligit. Consentiant reliqui, H. Stero ad a. 1291. 1293. Gob. Persona et. VI. c. LXVI. Roo lib. II. p. 52. Trithemius ad a. 1292. Erat autem hic Gerhardus Comes Eppsteinius, filius Elisabethæ Nassouia, Walrabi amita.

*** Chron. Austr. ad a. 1292. Albertus Argent. p. 109. Mortuo Rudolfo & veniente Alberto, Duce Austriae, filio eius, (pro quo eligendo Principes Electores miserunt) cum magnis expensis, vsque Haginow, Adolfus, Comes de Nassauwe, in Regem Romanorum a Principibus Alemannia concorditer est electus, a quo idem Albertus de Feudis suis, præsertim Ducatu Austria inuestitus, in Austriam est reuersus. Leu. a Northof Chron. Com. de Marca p. 393.

**** Albertus Argent. p. 109. a quo Duce (Alberto) cum postea missis legatis Rex peteret, filio suo Ducis filiam copulari: Dux respondit: se si posset ex filia sua facere Principem, hoc facturum. Vel, quod Rex filiam suam vni ex filiis Ducis coniungeret, quem se Principem facturum promitteret. Ex quibus & aliis inter Regem & Ducem, odium est subortum.

***** Ann.